

შპს საზოგადოებრივი კოლეჯი ზუგდიდის აკადემია



შპს საზოგადოებრივი კოლეჯი ზუგდიდის აკადემიის დირექტორის

2021 წლის წლიური ანგარიში

ზუგდიდი

2021

შპს საზოგადოებრივი კოლეჯი ზუგდიდის აკადემია (შემდგომში კოლეჯი) 2021 წლის სამუშაოს განხორციელებაში ყველაზე მნიშვნელოვანი იყო ის რომ კოლეჯმა დადასტურების გზით მოიპოვა მოკლევადიანი გადამზადების პროგრამები ადრეული განვითარების სპეციალისტი და ჯანმრთელობა, უსაფრთხოება ჰიგიენა სკოლამდელი აღზრდის დაწესებულებებში.

1. კოლეჯის პროგრამები:

კოლეჯში მთელი წლის განმავლობაში ხორციელდებოდა გრძელვადიან პროგრამაზე ერთი მიმართულებით პროფესიული საგანმანათლებლო პროგრამა: აღმზრდელი. მოკლევადიან გადამზადების პროგრამაზე ხუთი მიმართულებით ხორციელდებოდა შემდეგი პროგრამები:

- ადრეული განვითარების სპეციალისტი;
- ჯანმრთელობა, ჰიგიენა და უსაფრთხოება სკოლამდელი აღზრდის დაწესებულებებში;
- სასწავლო პროცესის წარმართვა სკოლამდელი აღზრდის დაწესებულებებში ;
- სპეციალური საგანმანათლებლო საჭიროების მქონე ბავშვებთან მუშაობა ;
- ფინანსური ანგარიშგება-დეკლარირება;

„ადრეული განვითარების სპეციალისტი და ჯანმრთელობა, ჰიგიენა და უსაფრთხოება სკოლამდელი აღზრდის დაწესებულებებში“ გადამზადების პროფესიული საგანმანათლებლო პროგრამისათვის პრაქტიკის კომპონენტის განმახორციელებელ პარტნიორთა არეალის გაფართოების მიზნით მოხდა პრაქტიკის ობიექტების ხელმძღვანელებთან შეხვედრა და გაფორმდა მემორანდუმები და ხელშეკრულებები (ა(ა)იპ ზუგდიდის მუნიციპალიტეტის „სკოლამდელი სააღმზრდელო დაწესებულებათა მართვის ცენტრი“ ზუგდიდის N 15 საბავშვო ბაღთან, ბავშვთა რეაბილიტაციის ცენტრთან არასამეწარმეო (არაკომერციული) იურიდიული პირი ასოციაცია გზამკვლევი; სამედიცინო ცენტრი „ნლი“).

2021 წლის 17 ოქტომბერს აღმზრდელის პროფესიული საგანმანათლებლო პროგრამის ხელმძღვანელს გადაეცა მადლობის სიგელი აღმზრდელის პროფესიულ საგანმანათლებლო პროგრამის განვითარებაში შეტანილი წვლილისათვის. 2021 წელს განახლდა საგანმანათლებლო პროგრამა აღმზრდელის და მოკლევადიანი პროგრამების სასწავლო რესურსი. დამატებული იქნა ახალი სახელმძღვანელოები, შემუშავდა და დამტკიცდა კალენდარული გეგმის და შეფასების ინსტრუმენტების ფორმები, რის მიხედვითაც ხორციელდება სასწავლო პროცესი. დაზუსტდა და გადაეცა საჭირო ლიტერატურის ჩამონათვალი ბიბლიოთეკარს, სასწავლო გრაფიკის შედგენისას გათვალისწინებულია პროფესიული სტუდენტების და პროფესიული განათლების მასწავლებლების კვირეული დატვირთვა და სასწავლო გარემოს შესაბამისობა. მატერიალური რესურსის მონიტორგის სწორად განხორციელებისათვის მოხდა ინვენტარიზაცია, აღრიცხვის არსებული რესურსი. მოდულის განმავლობაში დახარჯული მასალა ნედლეული, მოდულების დამთავრების შემდეგ აისახება ანგარიშის ფორმაში და შეფასების ინსტრუმენტებთან ერთად ბარდება სასწავლო პროცესის მენეჯერს. საჭიროების დროს ხდება პერიოდული შევსებაგახარჯული მასალა-ნედლეულის. რეგულარულად დხებოდა დამტკიცებული პროგრამების გაანალიზება. პროფესიული განათლების მასწავლებლებთან ერთად მოხდა

მოდულებისთვის საჭირო აღჭურვილობის, მასალა-ნედლეულისგანხილვა-გაანალიზება. ჩაიტვირთვა სასწავლო გარემოს კომპიუტერებში სლაიდები, პროგრამის ხელმძღვანელთან კონსულტაციისგავლით და მოთხოვნით. ჩატარდა ტრენინგები და შეხვედრები პროფესიული განათლების მასწავლებლებთან, 2021 წლის განმავლობაში პროგრამის ხელმძღვანელმა მონაწილეობა მიიღო ტრენინგებში (ეფექტური სწავლების მეთოდები, რეკომენდაციები და განმარტებები პროფესიულ საგანმანათლებლო დაწესებულების ავტორიზაციის სტანდარტებთან დაკავშირებით). აღმზრდელის პროგრამის განხორციელების პროცესში პრაქტიკა გაიარეს პროფესიულმა სტუდენტებმა ქალაქ ზუგდიდის მე N 10 საბავშვო ბაღში. განხორციელდა შეხვედრები პრაქტიკის განმახორციელებელ, პარტნიორთა წარმომადგენლებთან. ადამიანური რესურსები და კარიერული წინსვლის და განვითარების მიზნით პროფესიული განათლების მასწავლებლებმა მონაწილეობა მიიღეს სხვადასხვა ტრენინგში და მასწავლებელთა დარგობრივ შეხვედრაზე. 2021 წლის განმავლობაში პროფესიულმა სტუდენტებმა, პროფესიული განათლების მასწავლებლებთან ერთად ჩაატარეს კონფერენციები: სააღმზრდელო პროცესის წარმართვა სკოლამდელი აღზრდის დაწესებულებებში.

2. ხარისხის უზრუნველყოფა

კოლეჯის ხარისხის უზრუნველყოფის მენეჯერი პასუხისმგებელია სასწავლო პროცესის განხორციელების ხარისხზე დასაგანმანათლებლო საქმიანობის მუდმივ დინამიურ განვითარებაზე. ზრუნავს კოლეჯის განვითარებაზე.

ხარისხის უზრუნველყოფის მენეჯერის ზედამხედველობით განხორციელდა შემდეგი ღონისძიებები:

კოლეჯმა 2021 წელს დაიმატა შრომის ბაზრის მოთხოვნების გათვალისწინებით ახალი გადამზადების პროფესიული საგანმანათლებლო პროგრამები: ადრეული განვითარების სპეციალისტი და ჯანმრთელობა, ჰიგიენა და უსაფრთხოება სკოლამდელი აღზრდის დაწესებულებებში. ადრეული განვითარების სპეციალისტის პროგრამა საქართველოში ხორციელდება პირველად, პირველი ეტაპისთვის გადამზადდა 48 მსმენელი, რომელიც ყველა დასაქმებულია სამედიცინო, სააღმზრდელო და სხვა დაწესებულებებში. კოლეჯის სტრატეგიული დაგეგმარების, მონიტორინგის დაშეფასების მეთოდოლოგიის შესაბამისად მოხდა მონაცემთა შეგროვება 2021 წლის კოლეჯის საქმიანობის შეფასების კუთხით, ასევე მოხდა 2021 წლის სამოქმედო გეგმის შეფასების ანგარიშის მომზადება. მომზადება/გადამზადების პროგრამების მუდმივი განვითარების მიზნით კოლეჯმა 2021 წლის მიიღო გადაწყვეტილება მომზადება/გადამზადების პროგრამების კორდინატორის საშტატო ერთეულის დამატების. პროფესიული განათლების მასწავლებელთა კვალიფიკაციის ამაღლებაზე ზრუნვა ხარისხის უზრუნველყოფის უმთავრესი ამოცანაა, რის გამოც ხარისხის უზრუნველყოფის მენეჯერის მიერ დაიგემა და ჩატარდა საჭიროებებიდან გამომდინარე არაერთი ღონისძიება, როგორცაა: კალენდარული გეგმის შედგენა, შეფასების ინსტრუმენტის დახვეწა განვითარება, პროფესიულ განათლების მასწავლებელთა გადამზადება პროფესიული სწავლებისა და შეფასების სისტემის გაცნობა. კოლეჯის სტრატეგიული დაგეგმარების, მონიტორინგის დაშეფასების მეთოდოლოგიის შესაბამისად განხორციელდა 2021 წლის სამოქმედო გეგმის შუ

შეფასება, რომლის გაანალიზების შედეგად მომზადდა დაგეგმვის გეგმა, რომელიც წარმატებით შესრულდა. 2021 წლის სამოქმედო გეგმის შესაბამისად განხორციელდა გამოკითხვების მონაცემების ანალიზის შეგროვება. ასევე, ჩატარდა კვლევები დაანგარიშები. ჩატარდა არაერთი ვერიფიკაციის პროცესი. 2021 წლის სამოქმედო გეგმის თანახმად თითოეულ პროფესიულ საგანმანათლებლო პროგრამაზე ჩატარდა ორი ვერიფიკაცია და გაიცა რეკომენდაციები. გამოვლინდა შედეგები რამაც ასახვა ჰქონდა შეფასების ინსტრუმენტის დახვეწისა და განვითარების მიმართულებით, დაიხვეწა პროფესიული განათლების მასწავლებელთა საანგარიში ფორმა სადაც მკაფიოდ გამოიყო განმეორებით გამოცდაზე გასული პროფესიული სტუდენტების გრაფა. 2021 წლის სამოქმედო გეგმის თანახმად მოხდა საბიბლიოთეკო დასასწავლო რესურსის მონიტორინგი. პროფესიული განმანათლებლო პროგრამების შესაბამისად გადაიხედა და განახლდა ბიბლიოთეკის სასწავლო რესურსი. სისტემატიურად ხორციელდება ხარისხის მექანიზმზე დაყრდნობით კოლეჯის ძირითადი და დამხმარე პროცესების შემოწმება. განხორციელდა სიმულაციური ავტორიზაცია სადაც მკაფიოდ გამოიკვეთა კოლეჯში სამომავლოდ განსახორციელებელი მიმართულებები. გაიწერა გაუმჯობესების გეგმა. შემუშავდა საკონტაქტო საათზე დასწრების კითხვარი, რამაც გაადვილა პროფესიული განათლების მასწავლებელთათვის დაგეგმონ და განახორციელონ საგაკვეთილო პროცესი მოთხოვნილი შეფასებიდან გამომდინარე. განხორციელდა სასწავლო მატერიალური რესურსის მონიტორინგი. შეფასდა სასწავლო გარემოში ჩასატარებელი მოდულების შესაბამისად. ასევე მნიშვნელოვანია დამსაქმებლის ჩართულობა პრაქტიკული უნარ ჩვევების გამომუშავების პროცესში. ყოველკვირეულად ხდებოდა სასწავლო განრიგის ცხრილების შექმნა/ხელმისაწვდომობას ყველასათვის. ხორციელდებოდა სასწავლო საგაკვეთილო განრიგის მონიტორინგი და კონტროლი. ხდებოდა სასწავლო გეგმებთან თანხვედრა და მეცადინეობის განრიგის დაცვა, სასწავლო პროცესის გეგმის/გეგმების შესაბამისად. პრემანენტულად ხდებოდა სასწავლო პროცესის საჭირო მასალებითა და ნედლეულით შეუფერხებელ უზრუნველყოფას. ასევე, სასწავლო პროცესის ფარგლებში შექმნილი პროდუქტის შენახვის და განკარგვის რეგულაციას.

3. პერსონალი

2021 წლის მანძილზე კოლეჯის თანამშრომლებმა გაიარეს არაერთი ტრენინგი, კერძოდ, 2021 წლის 27 იანვარს შპს საზოგადოებრივი კოლეჯი ზუგდიდის აკადემიის მედდამ - ლალი ნარსიამ ჩაატარა ტრენინგი კოლეჯის ადმინისტრაციის თანამშრომლების, პროფესიული განათლების მასწავლებლების და პროფესიული სტუდენტებისათვის, სადაც ისაუბრა პირველადი გადაუდებელი დახმარების აღმოჩენის მექანიზმებზე. 2021 წლის 15 თებერვალს ხარისხის უზრუნველყოფის მენეჯერმა - ჩაატარა ტრენინგი ამავე მომზადება/გადაამზადების პროგრამაზე დასაქმებული პროგრამის განმახორციელებლებისთვის, სადაც დაწვრილებით ისაუბრა პროგრამის განხორციელების მნიშვნელობაზე და თანამედროვე მოთხოვნებზე პროგრამის სწავლებისათვის. პროფესიული განათლების 14 მასწავლებელს გადაეცა სახელობითი სერტიფიკატი.

2021 წლის 22 თებერვლიდან 29 მარტის ჩათვლით კოლეჯში მიმდინარეობდა ტრენინგი პროფესიული განათლების მასწავლებლებისათვის ინტერნეტის გამოყენებაზე და Google სერვისებზე. ტრენინგი ჩაატარა კოლეჯის ინფორმაციული წიგნიერების პროფესიული განათლების მასწავლებელმა - დოდო ნარსიამ . პროფესიული განათლების 14 მასწავლებელს გადაეცა სახელობითი სერტიფიკატი. 2021 წლის 9 სექტემბრიდან 13 ოქტომბრის ჩათვლით ჩატარდა აღმზრდელის პროგრამის პროფესიული განათლების მასწავლებელთა ტრენინგი (სულ 4 შეხვედრა, 6 საათი), რომლის ძირითადი თემაც იყო შეფასების ინსტრუმენტის შემუშავება. ტრენინგი, რომელიც ჩაატარა კოლეჯის ხარისხის უზრუნველყოფის მენეჯერმა - ნესტან აბსავამ, განკუთვნილი იყო ბოლო პეროდში მიღებული პროფესიული განათლების მასწავლებლებისათვის. პროფესიული განათლების 4 მასწავლებელს გადაეცა სახელობითი სერტიფიკატი. ტრენინგის დასრულების შემდეგ ჩატარდა მონაწილეთა კმაყოფილების კვლევა და გამოიკვეთა, რომ პროფესიული განათლების მასწავლებლებს სურთ გადამზადება შემდეგ საკითხებშიც: პროფესიულ სტუდენტთა ინდივიდუალური თავისებურებანი, პოზიტიური სასწავლო გარემო პროფესიულ განათლებაში, სასწავლო პროცესის დაგეგმვა და სწავლების ეფექტური სტრატეგიები, კომპეტენციებზე დაფუძნებული შეფასება მოდულურ პროფესიულ საგანმანათლებლო პროგრამებში, პროფესიული განათლების მასწავლებლების პროფესიული განვითარება. 2021 წლის 20 ოქტომბრიდან 28 ოქტომბრის ჩათვლით კოლეჯის შრომის უსაფრთხოების სპეციალისტმა - ლევან ზარქუამ ჩაატარა ინსტრუქტაჟი შრომის უსაფრთხოების შესახებ კოლეჯის ადმინისტრაციისა და პროფესიული განათლების მასწავლებლებისთვის. ინსტრუქტაჟი გაიარა ადმინისტრაციი 15 თანამშრომელმა და პროფესიული განათლების 15 მასწავლებელმა.

პროფესიული განათლების მასწავლებლები მუდმივად ჩართულნი არიან და მონაწილეობას იღებენ განათლების ხარისხის განვითარების ეროვნული ცენტრის, უნარების სააგენტოს და კერძო კოლეჯების ასოციაციის მიერ ორგანიზებით დაგეგმილ ტრენინგებში:

- კომპეტენციებზე დაფუძნებული სწავლა-სწავლება და შეფასება პროფესიულ განათლებაში".
- მასწავლებლებისთვის სწავლა სწავლების თანამედროვე მიდგომები პროფესიულ განათლებაში და პროფესიული სტუდენტების მიღწევების შეფასება.
- მასწავლებელთა კვალიფიკაციის ამაღლება პროფესიულ განათლებაში;
- პროფესიული განათლების მასწავლებლის მოსამზადებელი პროგრამა;
- პროფესიული განათლების მასწავლებლის შეფასების მოდელი;
- პროფესიული განათლების მასწავლებელი უწყვეტი პროფესიული განვითარება;
- სწავლების აქტიური მეთოდების გამოყენება პროფესიულ განათლებაში;
- სიმულაციური გაკვეთილის გეგმის შედგენა და მოდელირება მოდულების მიხედვით;
- კომპეტენციებზე დაფუძნებული შეფასება პროფესიულ განათლებაში;
- როგორ შევქმნათ ეფექტური PowerPoint პრეზენტაცია

4. სტუდენტური სერვისები და ინფრასტრუქტურა

კოლეჯში განსაკუთრებული ყურადღება დაეთმო სტუდენტულ სერვისებს. სტუდენტური რესურსები უზრუნველყოფილი იყო მთელი წლის განმავლობაში მატერიალურ-ტექნიკური ბაზით, საინფორმაციო საშუალებებით, ბიბლიოთეკითა და სხვა სასწავლო რესურსებით, რისთვისაც კოლეჯში შექმნილია სარგებლობის წესები, რომლითაც პროფესიული სტუდენტებისთვის გარანტირებულია ისარგებლონ კოლეჯის სასწავლო რესურსით სარგებლობის საშუალებებით. ჩატარდა არაერთი აქტივობასადაც პროფესიული სტუდენტები გაეცნენ სასწავლო პროცესისთვის სავალდებულო წესებს, უსაფრთხოების წესებს და საკუთარ უფლებებსა და მოვალეობებს. მყარდებოდა მჭიდრო კავშირი პროფესიულ სტუდენტებთან მეილების, სოც. ქსელებისა და სატელეფონო კავშირების საშუალებით, ინფორმაციის მიწოდების მაღალი დონის უზრუნველყოფის მიზნით. ხდებოდა პროფესიული სტუდენტებისთვის საინფორმაციო შეხვედრა პროფორიენტაციისა და პროფესიული კარიერული დაგეგმვის მენეჯერთან ერთად, სწავლის შედეგის შეფასების სისტემის მარეგულირებლის წესის გაცნობის მიზნით. სასწავლო გეგმის შესაბამისად, მოხდა პროფესიული სტუდენტების წარდგენა პრაქტიკის ობიექტზე. სასწავლო გეგმის შესაბამისად ხდებოდა მოდულების დაწყება დამთავრების კონტროლი.

სასწავლო გეგმების შესაბამისად მიმდინარეობდა შეფასების ინსტრუმენტების ტექნიკური ვალიდაცია. სასწავლო პროცესის მენეჯერი მჭიდრო კავშირს ამყარებდა კოლეჯში არსებულ პროფესიულ სტუდენტებთან და ერთობლივად არაერთი ღონისძიების განხორციელება მოხერხდა, ჩატარდა ორი შემეცნებითი ექსკურსია. 2021 წლის განმავლობაში აღმზრდელის საგანმანათლებლო პროგრამის პროფესიული სტუდენტებისთვის მოეწყო შემეცნებითი ექსკურსიები, კონტაქტურ ზუგდიდის ბოტანიკურ ბაღში. ბოტანიკურ ბაღში პროფესიული სტუდენტები გაეცნენ და დაათვალიერეს ზუგდიდის ბოტანიკური ბაღის ღირშესაიშნავი ნაგებობები, დაათვალიერეს ზუგდიდის მუზეომი ამავე დროულად შეხვდნენ დამსაქმებლებს.

საზოგადოებრივი კოლეჯი ზუგდიდის აკადემიის პროფესიული სტუდენტებისთვის ჩატარდა არაერთი შემეცნებითი, კულტურული და სპორტული ღონისძიება.

5. დოკუმენტებზე მუშაობა

დოკუმენტბრუნვაზე სამუშაოები მიმართული იყო კოლეჯში შემოსული და კოლეჯიდან გასული დოკუმენტაციის რეგისტრაციის, შემოსული დოკუმენტაციის დროული განხილვის, განაწილების, დოკუმენტების შესრულების მიმდინარეობის, დადგენილ ვადებში მათი გაფორმებისა და შესრულების რეგულირების მენეჯმენტის სრულყოფისაკენ, რაც თავის მხრივ, კოლეჯის სხვადასხვა თანამშრომლების გამართული მუშაობის ერთ-ერთი ხელშემწყობი ფაქტორია. 2021 წლის განმავლობაში მომზადდა ყველა საჭირო ბრძანების პროექტი, მათ შორის პროფესიული სტუდენტების ჩარიცხვის და პროფესიული სტუდენტების სტატუსის შეჩერების და შეწყვეტის ბრძანების პროექტები. 2021 წელს კოლეჯში ჩაირიცხა აღმზრდელის პროფესიულ პროგრამაზე 14 პროფესიული სტუდენტი. გადამზადების პროგრამებზე მიღება გამოცხადდა 3 ჯერ და 150 მსმენელმა გაიარა მოკლე კურსები.

წლის განმავლობაში აღირიცხა შემოსული და გასული კორესპოდენცია. მოხდა წლიური ბრძანებების რეესტრის წარმოება. 2021 წელს მოხდა ელექტრონულ სისტემაზე- ე თანამშრომლის eflow_ზ დამატება. აღნიშნულის გამო მოხდა შესაბამისი სწავლების განხორციელება, მითითებების მიცემა დაგადამზადება საქმისწარმოების ელექტრონულ სისტემაში - eflow-ში.

6. სხვადასხვა აქტივობა

წლის განმავლობაში ეფექტურად ხდებოდა გაწერილი წლიური ბიუჯეტის შესრულება. შედეგად კოლეჯში ინფრასტრუქტურის ნაწილში განახლდა აუდიტორიები და დამატა საჭირო ინვენტარი /მასალები. ასევე წინასწარ გაიწერა დაიგეგმა მომავალი წლისთვის დასამატებელი ნივთები. „საქართველოში ბუღალტრული აღრიცხვისა და ანგარიშგების შესახებ დებულების დამტკიცებაზე“ საქართველოს პრეზიდენტის 1998 წლის 16 თებრვლის N70 ბრძანებულებით დამტკიცებული დებულების შესაბამისად, საინვენტარიზაციო კომისიამ შესაბამის ვადებში მოახდინა კოლეჯის ბალანსზე არსებული, ძირითადი აქტივების დამატერიალური ფასეულობების დალუქვა, ეტაპობრივად გაიხსნა კომისიის მიერ სრულად მოხდა სასწავლო ოთახებში, კაბინეტებში, სათავსოებში, მატერიალური ფასეულობების აღწერა, გაიმართა კომისიის სხდომა, შედეგების დამტკიცების შესახებ.

სასწავლო მიზნებისთვის მოთხოვნის საფუძველზე მოხდა განათების სისტემის შეცვლა კოლეჯის შენობაში. განახლდა საევაკუაციო ნიშნები და განათებები სახანძრო უსაფრთხოების შესაბამისად. სარეკრეაციო ზონაში მოხდა ინფრასტრუქტურის განახლება. განახლდა გარე ბანერი სტანდარტის შესაბამისად და განთავსდა გერბი კოლეჯის შენობაზე. მოეწყო სასწავლო ლაბორატორიებში ცეცხლმედეგი ინვენტარი. მოხდა ფარდა- ქალუზების განახლება. პროგრამის ხელმძღვანელების მიერ წარმოდგენილი მოთხოვნების შესაბამისად, მოხდა მასალა-ნედლეულის მოძიება და უზრუნველყოფა. IT მენეჯერის მიერ შეფასდა კოლეჯის კომპიუტერული ბაზის, ტექნიკის, ქსელის და ტექნიკური საშუალებები, მიმდინარე საჭიროებები. კოლეჯში შეძენილ იქნა განვითარების გეგმის შესაბამისად კომპიუტერული ტექნიკა. გამოვლინდა ინტერნეტის მიწოდების (ძირითადად არასაკაბელო) ხარვეზები და დაისახა თანმიმდევრული გეგმა ხარვეზების აღმოფხვრისთვის. მოხდა კომპიუტერული ლაბორატორიის კომპიუტერების ოპერაციული სისტემით უზრუნველყოფა. ბიბლიოთეკაში არსებულ კომპიუტერებზე საკაბელო ინტერნეტის ქსელის გაუმართობის გასწორება. მოხდა უკაბელო ინტერნეტის რამდენიმე ჰაბის გადანაცვლება, რათა გაგვეზარდა დაფარვის ფართობი. ამ პერიოდში იყო ინტერნეტის მიწოდების ხარვეზი. ჩავატარეთ ინტერნეტ ქსელის სრული მონიტორინგი. ქსელის ნაწილობრივ გათიშვას იწვევდა მეორე სართულის სასწავლო აუდიტორიაში ჰაბის დამოკლება. ხარვეზი გასწორებულია.

ბიბლიოთეკაში მივიღეთ 5 ახალი წიგნი, რომელიც გატარებულია ბიბლიოთეკის ფონდის საინვენტარო წიგნში. საბიბლიოთეკო ფონდი სისტემურად ივსებოდა და ახლებოდა წლის განმავლობაში. დაინტერესებულ პირებს: სტუდენტებს, პროფესიული განათლების მასწავლებლებს ეფექტურად ემსახურებოდა ბიბლიოთეკა. ბიბლიოთეკიდან გაიცა 80 წიგნი პროფესიულ სტუდენტებსა და პროფესიული განათლების მასწავლებლებზე. პროფესიულ სტუდენტებს ვებმარეზობით სასწავლო რესურსის ასლის გადაღებასა და ამობეჭვდაში.

პროფესიულ სტუდენტებს გავაცანით საბიბლიოთეკო რესურსები და მათი სარგებლობის წესები. ბიბლიოთეკაში მომხმარებლისათვის სრულყოფილი მომსახურების გასაწევად ზედამხედველობდი სპეციალურ სამკითხველო დარბაზს.

დაიხვეწა პროფესიული სტუდენტის გზამკვლევის იერსახე. მიმდინარეობდა მუშაობა სტუდენტურ სერვისებზე და შეიქმნა პრეზენტაცია "სტუდენტური სერვისები" პროფესიული სტუდენტებისთვის, სადაც მოცემულია ინფორმაცია: ადმინისტრაციულ მხარდაჭერაზე, პროფორიენტაციაზე, კარიერულ მხარდაჭერაზე, ჯანდაცვასა და უსაფრთხოებაზე, ბიბლიოთეკაზე, სასწავლო გარემოზე, სტუდენტურ ორგანიზაციებსა და ღონისძიებებზე. განხორციელდა ჩატარებული ღონისძიების ვიზუალური მასალის და ვორდინგის დამუშავება სოციალური ქსელისთვის და შემდეგ მათი განთავსება Instagram და Facebook გვერდებზე.

დარიგდა საინფორმაციო ფლაერები/ლიფლეტები სადაც მოცემულია არსებული პროფესიული პროგრამების შესახებ სრული ინფორმაცია. განხორციელდა სხვადასხვა დამსაქმებლებთან პროფესიული სტუდენტების შეხვედრა, რომელიც გაიმართა კოლეჯში და ასევე პოტენციური დამსაქმებლების ტერიტორიაზე.

დასაქმების კუთხით ხდებოდა სხვადასხვა კომპანიებთან შეხვედრა, ასევე სისტემატიურად ხორციელდებოდა ფეისბუქ ჯგუფებში დასაქმებასთან დაკავშირებით ინფორმაციის განთავსება, კერძოდ აქტიური ვაკანსიების გაზიარება პროფესიული პროგრამების მიხედვით. კოლეჯის ვებ-გვერდზე და სოციალურ ქსელში ხდებოდა არსებული პროფესიული პროგრამების პერიოდული რეკლამირება. მათ შორის ფასიანი რეკლამის გაშვება facebook გვერდზე.

2021 წლის ფინანსურ ანგარიშები

შპს საზოგადოებრივი კოლეჯი ზუგდიდის აკადემიის 2021 წლის ფინანსური დანახარჯი	
პროფესიული სტუდენტების ვაუჩერით დაფინანსებამ შეადგინა :	4286,48
მომზადება/გადამზადების პროგრამებიდან დაფინანსება შეადგინა :	86730
პროფესიული სტუდენტის სწავლის საფასური	29190
აღნიშნული შემოსავლიდან პროფესიული განათლების მასწავლებლების და ადმინისტრაციის დარიცხულმა ხელფასმა შეადგინა :	54%
საპენსიო ფონდში გადარიცხული იყო :	2%
მივლინების ხარჯმა შეადგინა :	1%
პროფესიული სტუდენტების პრაქტიკულ სწავლებაზე 2021 წლის მანძილზე ხელშეკრულებების საფუძველზე გადირიცხა :	4%
სასწავლო პროცესის მატერიალურ-ტექნიკური უზრუნველყოფისათვის გაიხარჯა:	1%

მოდულური პროგრამებისათვის მასალა-ნედლეულის შესაძენად :	4%
მოდულური პროგრამების აღჭურვილობის შესაძენად გაიხარჯა :	1%
პროფესიული განათლების მასწავლებლების და ადმინისტრაციის ტრენინგების ლ.კულტურულ,სპორტული და შემეცნებითი ღონისძიებების ხარჯმა შეადგინა:	1%
საკანცელარიო ნივთების შესაძენად გაიხარჯა :	1%
კერძო კოლეჯების ასოციაციაში გადარიცხა საწევრო:	1%
ეფლოუ:	1%
რეკლამის ხარჯმა შეადგინა:	0
იჯარის ხარჯი იყო:	4%
კოლეჯის კურსდამთავრებულებისთვის დიპლომების დამზადების:	1%
კომუნალურის ხარჯმა შეადგინა.	1%
	!
სხვადასხვა ხარჯი:	25%
სულ ხარჯებმა შეადგინა:	-

ყოველივე ზემოაღნიშნული გვამღევს შესაძლებლობას ითქვას რომ შპს საზოგადოებრივი კოლეჯი ზუგდიდის აკადემია 2021 წლის საქმიანობა ჩაითვალოს დადებითად.

პატივისცემით,
 დირექტორი
 ნესტანი აბსავა